



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joan. Henrici Meibomii De Cervisiis potibusque &
ebriaminibus extra vinum aliis Commentarivs**

Meibom, Johann Heinrich

Helmestadii, 1668

Caput Decimum Qvintvm.

urn:nbn:de:hbz:466:1-10160

CAPUT DECIMUM QVINTVM.

SUMMARIA.

1. Anglorum ex frumento potus ala. 2. differt à biera.
 3. Cernisia, cervisia. 4. ala an ab alica. 5. Scotorum potus,
 hela. 6. Danorum, Oelia. 7. Slavonia, oll. 8. Oelia an
 eadem cum celia. 9. Oelandia Danorum an ab oela dicta. 10.
 Oë, insula. 11. Buska Gothorum cervisia.

I **A**nglorum potus ex frumento & olim fuit & est hodie
 2 ala, vulgo ale & aël. Differre tamen alam à biera &
cervisia scribunt Adrianus Junius Animadv. lib. II. cap.
 XII. & Phil. Cluverius Germ. antiq. lib. I. cap. XVII. Illam
 enim ætatem non æque ferre, ut has caussam dicunt, quod
biera & *cervisia* αὐλιζωίας quandam conciliant flores lu-
 puli salictarii, qua senio renitatur: *ala* contra suavitas in-
 sit maior ob tritici copiam. Sed differentia hæc parvi est
 momenti. Nam & quæ *biera* nobis & *cervisia* dicuntur,
 aliæ ob lupulum in se receptum diutius durant, aliæ ex tri-
 tico suavitatem recipiunt, nec nominis tamen aliquam dif-
 3 ferentiam sortiuntur. Addit Junius, Anglos, ad differen-
 tiā horum potuum, *alam* vocare *cernisiam*, per N., *bier-*
ram vero *cervisiam*, per V. literam. Sed abusus hic est
 vocabulorum. Nam & *ala* & *biera* est *cervisia*, non *cer-*
 4 *nisia*, quæ insolens vox est. Jo. Ruellius lib. II. de nat. stirp.
 cap. XLIX. *ala* vocabulum ab *alica* deducit. Sed vapulat
 hoc nomine à Junio. Nec enim ex *alica* conficitur *ala*, sed
 5 ex tritico. Scotti Anglis proximi, voce parum immutata,
 potum suum *Helam* vocant, sive *Hel.* Cimbricæ Cherso-
 6 nesi, ut & insularum circumiacentium incolæ *Oëlam*, sive
Oël, frumentaceos potus nominant. Gens ea, quæ nunc
 7 peculiari nomine Slavonica audit, Hungaris à meridie con-
 termina, *bieram* vocat *oll*, veteri haud dubie Germano-
 rum vocabulo, quos innumera alia in suum mancipasse
 sermo-

sermonem notat Cluverius. Ab *oëla* Jo. Isaacius Pontanus Glossario Prisco Gall. *Celiam Hispanorum* derivat, ut sit quasi *Oelia*, abiecta c litera, quod s̄æpe in aliis dictiōnibus ait fieri solere: ut ita *oëla*, sit primum *oëlia*, deinde *coelia*, sive *celia*. Hadrianus Junius in Hollandiæ descript. 9 *Oelandiam* Danorum insulam, antiquitus dictam autumat à potus iam dicti hordeacei & lupulacei bonitate: qua in 10 re tamen refellitur ab Isaacio, qui eam ab *Oë* derivat, quod *insulam* Danis ait significare. Lingua Gothica vero cervi- II siam *buska* vocari, scribit Olaus Magnus Hist. Septentr. lib. XIII. cap. xxvi. quod nominis non multum abit à *phu-*
sca, de qua paullo ante vidimus.

CAPUT DECIMUM SEXTUM.

S U M M A R I A.

1. *Potus ignotiores alij.* 2. *Collatum, Iuritheum.* 3. *De istis locus Gregorij Pontificis.* 4. *de Collato locus Isidori.* 5. *id à vase, in quo continetur nomen accepit.* 6. *Calpar, vinum à vase itidem dictum.* 7. *Ralnea, vilius potus in Grecia.* 8. *de eo Luitprandi Cremonensis locus.* 9. *quid sit, ex coniectura adsertum.* 10. *Paximacium obiter explicatum.* II. *Curssa, potus olim Turcarum.*

Sunt vero & potuum nomina alia, incertum tamen, an 1 *ad vina pertineant, an ex frugibus fuerint parata, ac solo fere nomine nobis nota.* Ex iis primo occurunt *Collatum, Iuritheum & Congnidium* à Gregorio Magno Pontifice ita appellata, qui anno Christi 1596. dignitatem suam fuit adeptus. Locus est lib. v. epist. xxxix. ad Elogium Episcopum Alexandrinum. *Quia collatum, inquit, ac Iuritheum non libenter bibo, presumens Congnidium requiro: quod in hac urbe post multa tempora Vestrainnotescere transacto anno Sanctitas fecit.* Nam nos hic à negotiatoribus no-